

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
-Gradonačelnik-
Broj: 07-4352/21
Datum: 20.01.2022. godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), čl. 38. i 118. Statuta općine Srebrenik („Službeni glasnik općine Srebrenik“, broj: 1/08), člana 11. Privremene Statutarne odluke grada Srebrenik („Sl. glasnik grada Srebrenik, broj: 1/19“), a na preporuku Komisije za javnu nabavku, u postupku javne nabavke, izgradnja priključka objekta Doma kulture na gradsku toplovodnu mrežu u Srebreniku, d o n o s i:

O D L U K U O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku, po zapisniku broj:07-4352/21 od 20.01.2022.g, te se ugovor za izgradnju priključka objekta Doma kulture na gradsku toplovodnu mrežu u Srebreniku dodjeljuje ponuđaču „Termotehnika“ d.d. Tuzla u iznosu od **46.936,80 KM** (cijena bez PDV-ea) odnosno **54.916,06 KM**(cijena sa PDV-eom),u skladu sa ponudom ponuđača, broj:75/21 od 05.01.2022. godine.

II

Ponuđač » **Termotehnika“ d.d. Tuzla** je dužan dostaviti dokaze u skladu sa članom 45. Zakona o javnim nabavkama, u roku od 7. dana od dana prijema obavijesti o dodjeli ugovora,a u skladu sa odredbama TD.

III

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ž E N J E

Komisija je konstatovala da su po otvorenom postupku sa ugovaranje izgradnje priključka objekta Doma kulture na gradsku toplovodnu mrežu u Srebreniku, u skladu sa tenderskom dokumentacijom broj: 07-4352/21 od 13.12.2021. godine, objavljena na Portalu javnih nabavki, obavještenje o nabavci broj:761-1-3-89-3-8721 od 14.12.2021.god. i "Službenom glasnik BiH" broj:76/21 od 17.12.2021.godine, pristigli dvije ponude i to:

1.Obrtničko bravarsko-monterska radnja Sarajevo u iznosu od 47.000,00 KM

2.“Termotehnika” d.d. Tuzlau iznosu od 46.936,80 KM, cijene su bez uračunatog PDV-ea.

Pregledom ponuda utvrđeno je da je ponuda dostavljena od ponuđača „Termotehnika“ d.d. Tuzla kompletna, da su dostavljeni svi dokazi koji zadovoljavaju postavljene uslove za kvalifikaciju u TD.

Ponuda ponuđača Obrtničko bravarsko-monterska radnja Sarajevo ne ispunjava zahtjevane uslove iz tenderske dokumentacije i kao takva je odbacila.

Naime, ponuđač je fizičko lice registrovano za obavljanje obrtničke djelatnosti u nadležnoj službi Općine Stari Grad Sarajevo, a Zakon o prostornom uređenju i građenju Tuzlanskog kantona "Službene novine TK", broj: 06/11, 04/13, 15/13, 02/16, član 94.stav (3) definiše izvođača kao fizičkog lica registrovanog kod nadležnog organa i glasi: „Građenjem građevina mogu se baviti fizičke osobe registrirane za obavljanje te djelatnosti i to za individualne stambene i stambeno - poslovne objekte korisne površine do 300m2 ili pomoćne objekte korisne površine do 150m2“, a u konkretnom slučaju investitor je pravno lice.

Takođe poznavajući ove odredbe ugovorni organ nije definisao ponuđača kao fizičko lice i u skladu sa time nije definisao koje dokaze bi moralo dostaviti fizičko lice registrovano za obavljanje predmetne djelatnosti, za ispunjavanje uslova navedenih u TD.

Komisija je predložila Gradonačelniku, da prihvati ponudu „Termotehnika“ d.d. Tuzla, te shodno članu 70. Zakona, donese Odluku o dodjeli ugovora, za Izgradnju priključka objekta Doma kulture na gradsku toplovodnu mrežu u Srebreniku , ponuđaču „Termotehnika“ d.d. Tuzla u iznosu od 46.936,80 KM (cijena bez PDV-ea) odnosno 54.916,06 KM(cijena sa uključenim PDV-eom), a što je imenovani i prihvatio.

Ponuđač „Termotehnika“ d.d. Tuzla je dužan dostaviti dokaze u skladu sa članom 45. Zakona o javnim nabavkama, u roku od 7. dana od dana prijema obavijesti o dodjeli ugovora,a u skladu sa odredbama TD.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjele ponude, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke o izboru najpovoljnijeg ponuđača. Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 2x,
2. Evidenciji,
3. Arhivi.



Gradonačelnik

Dr. sc. Nihad Omerović

Nihad Omerović